

Riikksuávtõõzz asetõs räauhtum

jie'll'ji tue'jjeem skääđai oudbeä'lnn cõggmõõžžâst da ko'rvvummšest 19.1.2023/115

Riikksuávtõõzz tu'mmstõõgg meäldlânji šiotteet räauhtum jie'll'ji tue'jjeem skääđai oudbeä'lnn cõggmõõžžâst da ko'rvvummšest uvddum lää'jj (15/2022) 3 §:n 4 momee'nt, 12 § 2 momee'nt da 21 § 2 momee'nt di riikkveä'kkteä'gglää'jj (688/2001) 8 §:n nuäija:

1 §

Suávldevuála šiottoõllmõõžž

Tõn láá'ssen, máid räauhtum jie'll'ji tue'jjeem skääđai oudbeä'lnn cõggmõõžžâst da ko'rvvummšest uvddum lää'jjet (15/2022) da riikkveä'kkteä'gglää'jjet (688/2001) šiotteet, jää'kket räauhtum jie'll'ji skääđai oudbeä'lnn cõggmõõžž kuõskki veä'kkteägga da tõõzz õhttneei õõlgtemvuõđid di kuä'ckkem pie'zzraajjâmtuejjumšid vuâđđõõvvi puázgtaalltuärjjõõzz la'skkeemnallšem skääđ äärv meä'rtummša, máid tä'st asetõõžžâst šiotteet.

2 §

Euroopp unioon riiktuärjjõõs-šiottoõllmõõžž suávvummuš

Jie'llemviõkk-kõõskõs ij vuäžž miõttâd räauhtum jie'll'ji tue'jjeem skääđai oudbeä'lnn cõggmõõžžâst da ko'rvvummšest uvddum lää'jj 10 §:st ju'rddum veä'kkteä'gglää'jjet, 15 §:st ju'rddum ko'rvvõõzz le'be 26 §:st ju'rddum tuärjjõõzz mädd- da meä'cctäällvuu'd da jânnamvuu'di riiktuärjjõõžžâst uvddum komissio keäitõõzzi (2022/C 485/01) 23 pääi'kest ju'rddum vaiggâdvuõdin áarrai põrggsa. Ko'rvvõõzz le'be tuärjjõõzz vuäžž kuuitâg miõttâd, jõs vaiggâdvuõdin áarmõš lij kidd ko'rvveemvuälâst skääđđšõddmõõžžâst.

Oudâst 1 momee'ntest ju'rddum veä'kkteä'gglää'jjet, ko'rvvõõzz le'be tuärjjõõzz ij vuäžž miõttâd ij-ga miõttum tuärjjõõzz u'vdded, jõs oocci ij leäkku jää'kketm máttmi riikk tuärjjõõzz kuõskki Euroopp unioon šiotlmi suávvummušest uvddum lää'jj (300/2001) 1 §:st ju'rddum tuärjjõõzz västpe'rjemtu'mmstõõgg.

Jie'llemviõkk-kõõskõõžž älgg õlmstâ'tted aalmilaž teätnee'ttest teäđaid 1 momee'ntest peäggum keäitõõzzi 112 pääi'kest ju'rddum teäđain.

3 §

Veä'kkteä'gglää'jjet miõttmõš

Veä'kkteä'gglää'jjet miõttmõš vuâđđââvv obbtu'mmjõ'sse da a'rvvõ'sse oudbeä'lnn cõggi tääimai vuõrddum vaiktemvuõđâst, kuullviõkkšõsvuõđâst da cõõđtemââ'ntemvuõđâst räauhtum jie'll'ji tue'jjeem skääđai uu'cceem diõtt.

Veä'kkteä'gglää'jjet vuet'tet miõttâd, koon tääim till'lâ'vve ooõzi vuä'mstummšest áarrai voutda le'be päikka le'be nuu'bb vuä'mstem voutda le'be päikka, jõs veä'kkteä'gglää'jjet oocci lij vuäžžam toimmu vuä'msteei keerjlaž miâsttmõõžž.

Veä'kkteä'gglää'jjet miõttmõõžž oudldõssân lij láá'ssen, što tääim räauhtum jie'll'ji tue'jjeem skääđai oudbeä'lnncõggmõõšsân vuâđđâ'vve plaä'ne.

Veä'kkteä'gglää'jjet ij vuäžž kuuitâg miõttâd seämmaid tuärjjõõsââ'nteei kuulid:

1) kook liä čuä'jtum vuu'dest viõggâst âarrair pirrõsko'rvvõõzzâst uvddum riikksuâvtõõzz asetõõzz (235/2015) meâldlaž pirrõs-suâppmõõžžâst kuõrgg-, čuânj- da njuhččpeâldai tuõ'll'jummsa;

2) koid leät miõttum jiâ-puu't' temnallšee'm investâsttmõõžžid kuõskki ko'rvvõõzzâst uvddum riikksuâvtõõzz asetõõzz (238/2015) meâldlaž ko'rvvõõzz;

3) koid leät vuõžžum mâid-ne jee'res gu 1 le'be 2 pääi'kest ju'rddum õõlmlaž tuärjjõõzz.

4 §

Veä'kkie'ğğ jäänmõsmie'rr

Miõttâmvuâla veä'kkie'ğğ vuâzzõs priimmâmvuâlain obbkuulin vuâžž lee'd jäänmõsân 80 prosee'nt, gõõi ij tä'st čõ'rstummša leäkku mii-ne jeä'rab mäinn ha'ḡkkõõzz čõõđtem-maall le'be pääi'k miärkteei luättäärvai diõtt. Takai jeä'rab mäain vuâdald veä'kkie'ğğ vuâžž lee'd jäänmõsân 100 prosee'nt priimmâmvuâlain obbkuulin.

5 §

Plaan veä'kkie'ğğ âânmmõõžžâst

Veä'kkie'ğğ oo33i âlgg raajjâd 3 § 3 momee'ntest ju'rddum plaan, ko'st â'lğge čiõ'lğgeed teâd skääđ tue'jjeem rääuhtum jie'llišlaajin, skääđai veeidasvuõđâst da ääi'jest di veä'kkie'ğğooocmõõžžâst ju'rddum tääimain.

6 §

Ķee'rjtue'll'jõsõõlgtemvuõtt

Veä'kkie'ğğvuâžžai âlgg ââ'nned samai tä'rkk Ķee'rjtue'll'jõs plaan čõõđtummsēst. Ķee'rjtue'll'jõõzz âlgg ââ'nned se'st vu'vdd- da päi'kkpuõđlaž pāajaspaiijmõõžžid pii'ri-ii'jji šõddi tääimain, tõi čõõđtemääi'jest, pešttmõõžžâst da tääimai vaaiktõõžžâst pirrõ'sse.

7 §

Teâđai i'lmmtõs- da seeiltemõõlgtemvuõtt

Jie'llemviõkk-kõõskõõzz âlgg raaukeen tääimted määdd- da meä'cctäällministeriaa'je 2 § 1 momee'ntest peäggum keaitõõzzi 650 pääi'kest ju'rddum ee'kkčiõlgtõõzz õõlgtem teâđaid rääuhtum jie'll'ji tue'jjeem skääđai ooudbeä'lnn cõggmõõžžâst da ko'rvvummšēst uvddum lää'jj nuäija miõttâmvuâlai veä'kkie'ğği da ko'rvvõõzzi beä'lnn.

Jie'llemviõkk-kõõskõõzz âlgg i'lmmted määdd- da meä'cctäällministeriaa'je teâđaid Euroopp unioon tääimjummsēst tue'jjuum suâppmõõžž 107 da 108 artikla suâvvtummsēst vää'nnmiärktõõzzlaž tuärjjõ'sse kue'llšee'llem- da čää'ccšâddeemsue'rjest uvddum komissio asetõõzz (EU) N:o 717/2014 nuäija miõttum tuärjjõõzzin meersaž jäänmõsraaj kuõskki õõlgtemvuõdi vuâppmõššân.

Jie'llemviõkk-kõõskõõzz âlgg seeiltem teâđaid 1 momee'ntest peäggum lää'jj meâldlaž veä'kkie'ğğ- da ko'rvveemtu'mmstõõgggin di kõ33lää'dd pie'zzraajjâmtuejjummsid vuâđđõõvvi kue'lltäälltuärjjõstu'mmstõõgggin lääi ee'jj ääi'j.

8 §

Pie'zzraajjâmkruggpuõđlaž puä33täälltuärjjõs

Kuä'čkkem pie'zzraajjâmkruggstes porrmôššân ââ'nnem puõccui la'skkëemnallšem skääđ ärvv keärdđõzzin õhtt lij 971 eu'rred.

9 §

Viõ'kkëšõddmõš

Tät asetõs šâdd viõ'kkë 1 peeiv tä'lvvmannust 2023.